

1. Երկինք, երկիր, արարածնէ՛ր, լուռ կացեք,  
 ճշմարտության խոսքին դուք ականջ դրեք,  
 Իմ այս երգը սիրող Աստծո մասին է,  
 Իմացե՛ք, թե Ով է Նա, ինչպիսին է:

2. Միակն է Նա և ճշմարիտ մեկ Աստված,  
 Հայրը, Որդին և Սուրբ Հոգին մեկացած:  
 Տիեզերքում Նրա նման սուրբ չկա,  
 Թագավորաց Թագավոր է իմ Արքան:

3. Սկզբում էր Խոսքը, և Խոսքը Աստված էր,  
 Ամեն գոյեր Նրանով են գոյացել,  
 Նրանով են ապրելու ուժ ձեռք բերում,  
 Եվ Նրանով իրենց վախճանը գնում:

4. Նա Հոգի է և ինքնագո, իմաստուն,  
 Հավիտենից անփոփոխ է և գիտուն,  
 Ողջ տիեզերքը Նա ստեղծեց վեց օրում՝  
 Երկինք, երկիր և ինչ որ կա Նրանցում:

5. Ամենուրեք Տեր Աստված Ամենագոր  
 Իր ստեղծածներին հսկում է ամեն օր,  
 Իր սուրբերի սրտում և հոգում է Նա,  
 Ամեն ստեղծած էակի հետ է Նա: